



tse behang setjhaba, moruo le diphephetso tsa dipolitiki tsa Afrika ka botleng.

Mona lapeng, Letsatsi la Afrika le fana ka monyetla ho Maafrika Borwa ho ikopanya le itella ho tshhetsa bokena dipakeng ba mmuso ba ho nshetsa pele Afrika e ntle le lefatshe le letle. Sehopotso sa Letsatsi la Afrika se hlakisa karolo ya Afrika Borwa ya ho nehela le ho nka seabo mererong ya kontinente.

NA O A TSEBA?

- Letsatsi la Afrika le hlokomelwa jwalo ka Letsatsi la Phomolo la Setjhaba dinaheng tse tsheletseng (6): Ghana, Mali, Namibia, Zambia, Lesotho le Zimbabwe.
- AU e na le dinaha tse 55, kamora hore South Sudan e kene ka 2011.
- Morocco e kene hape ho AU ka 2017, kamora hore e tswe ho OAU dilemong tse 33 tse fetileng.
- AU e na le ntlokgolo kwana Addis Ababa, Ethiopia empa ke lekala la ketsamelao, Palamente ya Afrika ka Bophara, e kwana Midrand, Afrika Borwa.

Bakeng sa lesedi ka botlalo ka ditshebeletso tseo Palamente e fanang ka tsona, ikopanye le:
Kantoro ya Thuto ya Setjhaba ho 021 403 3341 kapa o emeillele info@parliament.gov.za

Ho hlophisa letsatsi la ho nka bohahlaudi ba thuto ba Palamente, ikopanye le:

Kantoro ya Thuto ya Setjhaba – Tours

Mohala: (021) 403 2266


Fekese: (021) 403 3817

Imeile: tours@parliament.gov.za



PARLIAMENT
OF THE REPUBLIC OF SOUTH AFRICA

— Letsatsi la,
Afrika





LETSATSI LA AFRIKA KE ENG?

Letsatsi la Afrika ke sehopotso sa selemo se seng le se seng sa ho thehwa ha sa Mokgatlo wa Kopano ya Afrika (OAU) Motsheanong 25, 1963. Ka letsatsi lena la nalane, dinaha tse mashome a mararo (32) tsa Afrika a kopane Addis Ababa, Ethiopia ho theha mokgatlo ona. Kajeno, Letsatsi la Afrika le ketekwa dinaheng tse fapaneng kontinenteng ya Afrika, mmoho le lefatsheng ka bophara.

Ke letsatsi leo ho lona kopano ya Afrika, nalane le boitsebiso ba kopanelo di fumanang sebaka sa ho ikgantsha. Letsatsi la Afrika le sebetsa jwalo ka motheo wa ho amohela diphihlello tsa kontinente le ho ehlwa meetlo le lefa la Afrika.

LETSATSI LA AFRIKA LE KOPANO YA AFRIKA

Ho thehwa ha Mokgatlo wa Kopano ya Afrika ho ile ha tswala ho thehwa ha Kopano ya Afrika (AU) ka 2002.

Phetolo ya OAU hoy a ho AU ho kgothaleditswe ke takatso ya ho potlakisa mokgwatsamaiso wa kopano kontinenteng le ho kgonahatsa Afrika ho nka tokelo ya yona ya ho ba le karolo ya yona moruong wa lefatsheng, ha e ntse e shebana le mathata a yona a setjhaba le moruo le a dipolitiki.



Kopano ya Afrika ke mokgatlo wa kontinente o hlokang ho ntshetsa Maafrika pele ho isa tabatabellong e le nngwe ya kopano. Jwalo ka karolo ya mosebetsi wa yona o tebileng, hape AU e tshwarane le matsapa a ho boloka kgotso, bokena dipakeng le ho thusa dikgethong, hara tse ding.

Sepheo sa kopano se hlakiswa ka ho phethahala le folakgeng ya AU, ka lepetjo lena: **“Afrika e matla e kopaneng”**. Kahodima mona, mmala o tala folakgeng ke letshwao la tshepo le ditabatabelo tsa Afrika tsa kopano.

FOLAKGA YA JWALE YA KOPANO YA AFRIKA

Kahoo Letsatsi la Afrika le sebediswa jwalo ka nako ya ho nahana ka diphephetso tseo Afrika e ntseng e tobane le tsona le diphihlello tse ntle tsa bohlokwa tseo e di entseng. Diphephetso tsena di hlokometswe ka botlalo ke AU, ke kahoo ho ileng ha thehwa **Selekane se Setjha sa**



Ntshetsopele ya Afrika (NEPAD). Setho sena se hloka ho shebana le ntshetsopele ya Afrika ka phahamiso ya demokerasi, ditokelo tsa botho, boikarabelo, ponaletso le ho nka seabo pusong.

Pihlello e nngwe ya kontinente ya jwale le e bohlokwa ke ho saena **Sebaka sa Kgwebisano e Lokolohileng Kontinenteng ya Afrika (ACFTA)**, tumellano e kgolohadi ya kgwebisano e lokolohileng ho tloha ho thehweng ha Mokgatlo wa Kgwebisano wa Lefatshe. Baetapele ba Afrika ba ile ba saena Phatlalatso ya Kigali ka ho thehwa ha tumellano ya kgwebisano ena mane Kopanong e Kgolohadi ya Seboka sa Kopano ya Afrika kwana Kigali, Rwanda, ka la 21 Hlakubele 2018.

Sepheo ke ho theha mmaraka o le mong wa kontinente wa thepa le ditshebeletso, le ho tsamaya ka bolokolohi ha borakgwebo.

Hore kontinente e be le pono e le nngwe, Kopano ya Afrika e entse moralo o bitswang **Ajenda 2063**, o tla tataisa Afrika ho ya kopanong, tswelopeleng le kgotsong.

LETSATSI LA AFRIKA LE KETEKWA JWANG?

Diketsahalo tse latelang di etsahala ka letsatsi lena:

- Diketsahalo di tla shebana le bonono le dibetlwa, motjeko, dithothokiso, mmino le feshene.
- Dingangisano ka ditaba tse amanang le kontinente jwalo ka kgethollo ka merabe
- Thupello tsa boitjhoriso le dipontsho
- Diketsahalo tsa dipapadi tse kang bolo ya maoto

LETSATSI LA AFRIKA LE PALAMENTE YA REPHABOLIKI YA AFRIKA BORWA

Palamente e tshehetsa matsapa a AU a bokena dipakeng ba kgotso dikgohlanong kontinenteng ka ho potoloha. Ho ya ka leano la rephaboliki la naha tsa kantle, Palamente ya Afrika Borwa e sebedisana ka mafolofolo le dipalamente tsa dinaha tseo Afrika Borwa e bileng le karolo ho theha kgotso.

Palamente ya Rephaboliki ya Afrika Borwa e nka seabo mekgatlong ya Afrika e mmalwa, ho kenyelletswa le lekgotla la ketsamelao la AU, Palamente ya Afrika ka Bophara (PAP) le Foramo ya Palamente ya Matjhaba a Tswelang Pele a Afrika e Borwa (SADC PF). Jwalo ka karolo ya mekete ya Letsatsi la Afrika, Palamente e a kopana mohlantso oo mme e ngangisana ka ditaba